



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCXCII. De Morte S. Joannis Baptistæ.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

morali fieri possit, ut Animæ Sanctorum in Cælo
gentes, imò ipsius Christi Anima, in corpora nobis
transeant, & in nobis resurgant: si nimirum ipsarum
Virtutes imitemur; hoc sensu Christus de S. Joanne
dixit. Matth. 11. v. 14. *Ipse est Elias.* Et S. Paulus
se Gal. 2. v. 20. *Vivo autem jam non ego; vivit vero
me Christus.* Sic fac Sanctos, & Christum ipsum in
resurgere; æquum enim est, ut, quia Christus à te
pro te occisus est, in te, & per te resurgat.

MEDITATIO CCXCII

De Morte S. Joannis Baptista.

Marc. 14. v. 3. Marc. 6. v. 17. Luc. 3. v. 19.

PUNCTUM I. Occasione opinionis, quòd Herodes
ut in præcedenti Meditatione dictum est, auctorem
Miraculis Christi & Discipulorum ejus putaverit,
eo revixisse, ac resurrexisse Joannem Baptistam.
Matthæus, & S. Marcus referunt ejusdem S. Joannis
mortem, quamvis neuter exprimat tempus, quo
contigerit (quod Cornelius à Lapide in c. 6. S. Mar-
ci ostendit fuisse circa finem anni trigesimi seculi
Christo nato) relatis enim verbis Herodis: *Quem
decollavi Joannem, hic à mortuis resurrexit:* subjungit
Marcus c. 6. v. 17. *Ipse enim Herodes misit, ac tenuit
eum, & vinxit eum in carcere propter Herodiam uxorem
Philippi fratris sui; quia duxerat eam. Dicebat enim
Herodes: non licet tibi habere uxorem fratris tui* (ad
S. Lucas c. 3. v. 19. quòd illum etiam corripuerit
omnibus malis, quæ fecerat Herodes) *Herodias autem
diabatur illi, & volebat occidere eum.* Idem voluisse Herodes

rodem, instigatione nimirum Herodiadis, testatur S. Matthæus c. 14. v. 5. Duo hîc consideranda proponuntur, unum imitandum, alterum devitandum. Primum est Exemplum correctionis fraternæ sine respectu humano ad dignitatem & potentiam personæ, præsertim quando ex officio teneris eam corrigere; tunc enim oportet esse Vocem clamantis, & non obmutescere, ac dissimulare. Alterum est odium correctoris, cui potius amor & gratiarum actio, & auscultatio debetur; sicut quando aliquis de errore itineris, de macula in vultu, de periculo vel damno, ex actione aliqua secuturo, benevolè ab aliquo admonetur.

PUNCT. II. Considera, Herodem non statim ausum esse exequi voluntatem suam, & Herodiadis adversus Joannem: nam teste Matthæo c. 14. v. 5. *Volens eum occidere, timuit populum; quia sicut Prophetam eum habebant.* Et teste S. Marco c. 6. v. 20. *Herodes metuebat Joannem, sciens, eum Virum Justum & Sanctum: & custodiebat eum, & audito eo multa faciebat, & libenter eum audiebat.* (unde colligitur, solùm propter instigationem Herodiadis voluisse occidere) Quia tamen metus iste fuit merè humanus, ideo facilè per alium fortio-rem metum displicendi uxori, filiæ, & convivis mensæ regis superatus est, & in necem consensit. Sic qui solùm ex metu humano absterrentur à malo, constantes non sunt, & facilè alio metu fortiore vincuntur. DEUM ergo time, & ama super omnia: & sic nec opus habebis cohiberi timore hominum; nec superari poterit timor & amor tuus.

PUNCT. III. Considera, quanta sit vis Justitiæ & Sanctitatis: nam propter eam timuit Tyrannus in-

mem, captivum, & vincitum Joannem : imò liber etiam reprehensiones & correctiones ab eorum acceptavit, & multa crimina emendavit. Hinc ergo auctoritatem tibi apud homines, hinc verbis pondus & gratiam concilia potius, quam ex doctrina, modo vivendi agendique minus religioso, conniventia & adulatione. Libenter etiam, & cum seria emendatione defectuum tuorum reprehensiones audi, ne in hoc ab impijssimo Herode supereris.

MEDITATIO CCXCIII

Continuatio ejusdem Historiæ

PUNCTUM I. *Et cum dies opportunus accidisset, Herodes natalis sui cœnam fecit Principibus, & Tribunis Primis Galilææ. Cùmque introisset filia Herodiadis, & tasset, & placuisset Herodi, simulque recubantibus, ait puellæ : pete à me, quod vis, & dabo tibi, licet dimidium Regni mei.* Marc. 6. v. 21. Considera imprudentiam promissionis, tam ex parte rei promissæ pro merito quodam levissimo, quam ex parte promissionis precipitis, inconsideratæ, inter pocula, & ex inordinato quodam gaudio factæ, cujus deinde Herodem pernituit cum tristitia. Procul sit à te hujusmodi imprudentia in verbis & promissis tuis ; ne quid imprudenter, inconsideratè, præcipitanter, vel ex inordinato affectu gaudij, amoris &c. dicas, vel spondeas, cum difficultates, & damna emergentia non prævident. Sicut autem promissio Herodis fuit imprudens, immoderata, sic tamen etiam fuit adhuc restricta ad dimidium Regni. At Cælesti Regi Cœnam facientem